



Isumassortit

Meeqqat siunissaraagut.

Isumaginninnermut Inatsisinillu Atuutsitsinnermut
Naalackersuisoqarfik
Imaneq 1 A 501
Postboks 260
3900 Nuuk

Nuuk, ulloq 6. November 2018

Pillugu: Angerlarsimaffiit namminersortut kattuffiata, Isumassortit meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarummut missingiummut oqaaseqaatai.

Ulloq unnuarlu paaqqinniffinnik pilersitsineq ingerlatsinerlu pillugit nalunaarummut missingiummut Isumassortit tulliuttunik oqaasissaqarpoq.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. november 2017-imeersoq Meeqqat tapersorsorneqarnissaannut Inatsisartut inatsisaanni nr. 20, 26. Juni 2017-imi § 24, imm. 1, § 34, imm. 2 aamma 3 aamma § 57, imm. 4 aamma 6 malillugit saqqummiunneqarpoq.

Taamaattumillu meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannik nr. 19, 24. November 2017-imeersumik atulersitsinnermut inatsisitigut tunngaviuvoq Meeqqat tapersorsorneqarnissaannut Inatsisartut inatsisaanni nr. 20, 26. Juni 2017-imi § 24, imm. 1, § 34, imm. 2 aamma 3 aamma § 57, imm. 4 aamma 6.


§ 32, imm. 4 ima oqaasertaliorneqarpoq:

Imm. 4. Naalackersuisut tikeraarluni angalasarnerit pillugit erseqqinnerusumik malittarisassiorsinnaapput, matumani aningaasartuutit ilanngullugit.

Aalajangersakkap siammasissusaanik paasiniaaniarluni inatsisissatut siunnersuummi § 32, imm. 4 pillugu oqaaseqaatinut innersuussisoqarpoq, ima nipeqartunut:

Tikeraarluni angalanerit pillugit Naalackersuisut erseqqinnerusunik maleruagassanik aalajan- gersaasinnaanerannut aalajangersagaq periarfissiivoq, tassunga ilanngullugu

*ingiaqatigisanut aningaasartuutit, najugaqarnermi aningaasartuutit aamma aningaasartuutit
allat tikeraarluni angalanermut atassuteqarsinnaasut.*



Isumassortit

Meeqqat siunissaraa

Aalajangersagaq qulaani uteqqinneqartoq aalajangersakkamullu oqaaseqaatit attuumassuteqartut meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19, 24. November 2017-imeersumi kapitali 7-imi tunngavissinneqarput.

Meeqqat tapersersorneqarnissaannut Inatsisartut inatsisaanni nr. 20, 26. juni 2017-imeersumi, § 34, imm. 2 aamma imm. 3 ima allassimapput:

Imm. 2. Ulloq unnuarlu paaqqinniffinnut maleruagassanik erseqqinnerusunik Naalakkersuisut aalajangersaassapput, matumani ulloq unnuarlu paaqqinniffinni immikkoortortat isumannaallisakkat ilanngullugit, kiisalu ulloq unnuarlu paaqqinnittarfinnut innersuussisarnernut naammagittaalliorsinnaanermullu periarfissamik.

Imm. 3. Naalakkersuisut ulloq unnuarlu angerlarsimaffiit pillugit erseqqinnerusunik malittarisassanik aalajangersaasinnaapput, matumani ulloq unnuarlu angerlarsimaffinni immikkoortortat isumannaallisakkat kiisalu ulloq unnuarlu angerlarsimaffinni sulisunut pisortanullu tamanut tunngatillugit pillagaasimannginnermik meeqqanillu pinerliisimannginnermut uppernarsaatit ilanngullugit.

§ 34, imm. 2 aamma imm. 3 pillugit inatsisissatut siunnersuummut oqaaseqaatini tulluuttut erserput:

Imm. 2-imut. □ Aalajangersakkat ulloq unnuarlu paaqqinnittarfinnut malittarisassanik ersarinnerusunik aalajangersaanissaannut Naalakkersuisunut piginnaatitsipput, tassani aamma pineqarlutik ulloq unnuarlu paaqqinnittarfinni immikkoortortaqaarfiit isumannaallisakkat.

Ilutigalugu Naalakkersuisut ulloq unnuarlu inissiinissamut innersuussisarnernut piginnaatitaaffeqarput maleruagassanik ersarinnerusunik pilersitsissallutik, taamatuttaaq naammagittaalliorsinnaanermut periarfissamik.

Imm. 3-mut. □ Aalajangersakkap Naalakkersuisut pisinnaatippai ersarinnerusunik maleruagassiorsinnaanerannik, ulloq unnuarlu paaqqinniffiit atuutilernissaannut akuersissuteqarnissaannut, immikkoortortaqaarfiit isumannaallisakkat ilanngullugit.

Tamatumani ilaavoq meeqqanut atornerluisimannginnermut pinerlussimannginnermullu uppernarsaatinik piniartoqarnissaanut, ulloq unnuarlu paaqqinnittarfiit sulisuinut aqutsisuinullu.

Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersumi, § 34, imm. 2 aamma 3 ima paasisariaqarput, meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19. 24. november 2017-imeersumi kapitali 1 aamma 2 kiisalu

kapitali 4-mi inatsisitigut tunngavissinneqartut.

Tamatumunnga atatillugu peqatigiiffik Isumassortit maluginiarpaa, meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19. 24. november 2017-imeersumi naammagittaalliorfissamik ilanngussisoqarsimangimmat. Tamanna Namminersorlutik Oqartussat nalunaarutaanni amigaatitut annertuutut isigineqarpoq. Aalajangersakkat taaneqartut naapertorlugit Naalakkersuisut aalajangiinerinut naammagittaalliorsinnaatitaanermik ilanngussisoqartariaqarpoq. Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi § 57, imm. 4 aamma 6-imi ima allassimasoqarpoq:

Imm. 4-mut. Imm. 1-imi eqqaaneqartut akigititanik akiliinerit pillugit maleruagassanik erseqqinnerusunik aalajangersaanissamut aalajangersagaq Naalakkersuisunut piginnaatitsivoq.

Imm. 6-imut. Imm. 2 malillugu kaasarfimmiussanut atisassarsiutissanullu Naalakkersuisut malittarisassaliorsinnaapput, tassungalu ilaapput aningaasat tunniunneqartussat, aningaasat amerlassusaat, aammalu paaqqinnittarfimmi perorsaanermik suliaqarnerup ilaatut kaasarfimmiussanik malittarisassiuussineq.

Inatsisissatut siunnersuummi § 57-imut nassuiaatini ima allassimavoq:

Imm. 1-imut. Aalajangersakkami aalajangiunneqarpoq akit inatsit malillugu aalajangersarneqartut qaqugukkut naleqqussarneqarlutillu saqqummiunneqartassanersut.

§ 57-imut allanik nassuiaateqartoqanngilaq.

Taamaattumik peqatigiiffik Isumassortit isumaqarpoq, Naalakkersuisut meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19. 24. november 2017 kiisalu nalunaarutip iluarsaallugu missingiusiorneqarnissaanut periarfissat Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi, § 32, imm. 4, § 34, imm. 2 aamma 3 kiisalu § 57, imm. 4 aamma 6-imut inatsisitigut tunngavittut killeqartoq.

Peqatigiiffik Isumassortit aalajangersakkanut ataasiakkaanut tulliuttunik oqaasissaqarpoq.

Ad § 7. Paasissutissanik aalajangersimasunik peqarsinnaavoq, pingaartumik meeqqat annertuumik sumiginnagaasimasut, meeqqat, angisuut imaluunniit mikisut nammineq immikkut sinittarfigisami sinissinnaannginneranik kinguneqartumik pineqartillugit. Tassunga atatillugu innersuussutigineqarpoq meeqqat ataasiakkaat nalinginnaasumik illoqarfimmut nutaamut, atuarfimmut nutaamut, ulluunerani paaqqinnittarfimmut nutaamut assigisaanilluunniit nuunneqartarmata kiisalu meeqqat ataasiakkaat

nalinginnaasumik ilukkut toqqisisimanissaq ineriartornissamut pisariaqartittarmassuk, pisunilu tamakkunani meeqqap qatanngummik imaluunniit meeqqamik allamik sinittarfimmi najugaqateqarnera ikiuutaasinnaalluni.

Peqatigiiffiup innersuussutigaa § 7, imm. 2 ima allanngortinneqassasoq:

Nammineq ineeraqarnissamut piumasaqaat, tak. ~~imm.~~ 1 pinngitsoorneqarsinnaavoq, perorsaanikkut pissutsitigut meeqqap ineqateqarnissaa tulluurtuuppat. **Meeraq** 12-inik ukioqalereersimappat, meeqqap tamanna akuereqqaassavaa.

Ad § 7, imm. 5. Kalaallit Nunaanni illut/ineqarfiit sananeqartartut angissusaat eqqarsaatigalugu, kvadratmenteri killeqarpoq, tamanna aamma ineqarnermut suliassaqarfimmi inatsimmi erserpoq. § 7, imm. 5-imi oqaasertaliussami illup Kalaallit Nunaanni nalinginnaasumik kvadratmeteritigut angissusaa eqqarsaatigineqartariaqarpoq.

Ad § 8. Kalaallit Nunaanni illut amerlanerpaat *aralalinnik* perusuersartarfeqarneq ajorput. Ulloq unnuarlu angerlarsimaffiit arlallit angerlarsimaffimmi ataatsimi annerpaamik 3-4-nik meeraateqarnissamut akuersissuteqartarput. Illuutiniq ataasiakkaanik iluarsaassinerup ilimanarpoq nassatarissagaa sulisunut perusuersartarfimmik sananermi meeqqat ineqartuusinnaasut ataatsimik ilanngartariaqarnerat. Taamaattumillu meeqqanut inissaagalugit annaaneqassapput, sulisut perusuersartarfissaannik uffarfissaannillu aalajangersakkatigut piumasaaqateqarneq pissutigalugu. **Tamatumunnga** taarsiullugu peqatigiiffik Isumassortit oqaasertaliussaq tulliuuttoq innersuussutigaa:

Ulloq unnuarlu angerlarsimaffik unnuillutik sissuertunik sulisoqartarpat, taava sulisunut qasuersaartarfimmik sulisunut perusuersartarfilimmik uffarfilimmillu peqarsinnaavoq.

§ 32-mit § 35 pillugit peqatigiiffik Isumassortit tulliuuttunik oqaaseqaatissaqarpoq.

§ 32 pillugu, aalajangersakkami matumani aamma assersuutigalugu itigartitsisoqarneranut atatillugu naammagittaalliornissamut ilitersuummik/naammagittaalliornissamut periarfissamik amigaateqartoqarpoq. Tassunga atatillugu Naalakkersuisut eqqumaffigisariaqarpaat Aqutsisoqarfimmi sulinikkut kukkusoqarsinnaasoq assigisaanilluunniit pisoqarsinnaasoq.

§ 33 pillugu oqaatigineqassaaq, siulittaasut tassaassammata naatsorsuutiniq akuersisussat. Kukkunersiuisup naatsorsuineri inatsit inatsisillu allat naapertorlugit kukkunerit oqaaseqarfigisussaavai, kukkunersiuisulli naatsorsuutit akuersissutigisassarinnilai, tassani kukkunersiuisup suliassai naatsorsuineri inatsimmut atammata.

§ 36 pillugu, aalaajangersakkamik taama ittumik aalajangersaanissamut Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi tunngavissamik takusaqartoqarsinnaanngilaq. Naalakkersuisunuttaaq malugeqquneqassaaq § 36 sulineri inatsisitugut isumaqatigiissutiniq unioqqutitsimmat, akissarsiallip sulisitsisullu akornanni isumaqatigiissutit pisortat isumaqatigiissutaannut naleqquttuunissaat pillugit. Tamatuunnga atatillugu Naalakkersuisut aamma eqqumaffigisariaqarpaat ataasiakkaanut isumaqatigiissutit aamma sulineri inatsisitugut isumaqatigiissutit naapertorlugit periarfissaammata. **Tassunga atatillugu peqatigiiffiup innersuussutigissavaa**, pisortani pisortaarfii iluanni atorfinnut nalinginnaasumik soraarnermi qaammagini 18-imi akissarsiaqartitsinissaq isumaqatigiissutigineqartarmat, tamanna soorunalimi angerlarsimaffik namminersortoq akissarsisitsissutigissallugu periarfissaqanngilaq. Peqatigiiffik isumaqarpoq aalajangersagaq taanna nalunaarutip maanna ilusaani ilanngunneqarsinnaanngitsoq.



Isumassortit

Meeqqal siunissaraagut

§ 39-mit § 42-mut. Aalajangersakkat taakku pillugit oqaaseqatigiit arlallit inatsisit atuuttut allat eqqarsaatigineqarsimangillat, matuma ataani nalunaaruteqarnissamut nalunaarut Kalaallit Nunaanni 1. Juli 2018-imi atuutilersoq. Ilanngullugu erseqqissaatigineqaaqqissaaq siulersuisut tassaammata naatsorsuutininik akuersisussat, kukkunerisuiisunngitsoq. Naatsorsuutit sorliit malinneqassanersut pillugit, ilanngunneqartariaqarpoq assersuutigalugu ukiumoortumik naatsorsuutit pillugit inatsimmut innersuussisoqarnissaa, assersuutigalugu naatsorsuineq B malinneqassappat.

§ 42 pillugu, tikkuarneqassaaq, siulersuisut tassaammata ukiumoortumik naatsorsuuserisuaannartussat. Tassunga atatillugu peqatigiiffik Isumassortit innersuussissaaq nalunaaruteqarnissamut nalunaarummut 1. juli 2018-imi atulersumut. Taamaasilluni kukkunerisuiisup inissiinerit aningaasaqarnikkullu inissisimaffiit qulakkeersinnaanngilai. Taamaasilluni kukkunerisuiisup qulakkeersinnaanngilaa inissiinerit aningaasaqarnikkullu inissisimaffiit siunertamut naapertuuttuunersut qulakkeersinnaanngilai.

Naalakkersuisut taamaattumik nalinginnaasumik eqqumaffigisariaqarpaat, ulloq unnuarlu angerlarsimaffiit namminersortut illuutit pillugit assigiinngitsunik atugaqarmata. Ulloq unnuarlu angerlarsimaffiit namminersortut ilaasa illuutiminnut tamanut aningaasaateqarfinit aningaasalertissimapput, ulloq unnuarlu angerlarsimaffinnik pilersitsisut, peqatigiiffimmut Isumassortinut ilaasortaasut, aningaaseriviup piumasaqarneratigut ingerlatseqatagiiffinnik pilersitsisariaqarsimallutik taamaattumillu nammineq pisuussutitik tamaasa, meeqqat angerlarsimaffiannut atortussamik illuamik pisinermi qularnaveeqqutinngortittariaqarsimallugit. Tamatumunnga pissutaavoq aningaasaliinissamut taarsigassarsinissamut atatillugu aningaaseriviup/aningaaseriviit piumasaqaatigisimammassuk.

Peqatigiiffik Isumassortit tamakkiisumik paasisinnaavaat meeqqanut ulloq unnuarlu angerlarsimaffimmik ingerlatsineq Naalakkersuisut aalajangersaaffigerusukkaat. Peqatigiiffik isumaqarpoq, nalunaarummut missingiummik suliaqarnermut atatillugu Naalakkersuisut ajoraluartumik eqqarsaatigisimangimmassuk inatsisitigut tunngavik, kisiannili nalunaarummi kiisalu nalinginnaasumik oqaaseqaatini Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumut innersuussillutik. Inatsisissatut siunnersuummut oqaaseqaatinit ersarissumik ersippoq, inatsimmik suliaqarnermi Inatsisartut suna siunertarisimaneraat.

Eqikkaaneq

Peqatigiiffik Isumassortit isumaqarput, nalunaarummik suliaqarnermi Naalakkersuisut, naammaginartumik inatsisit atuuttut allat, matuma ataani ukiumut naatsorsuinerimut inatsit, nalunaaruteqarnissamut nalunaarut, atorfinitsisinerimut atatillugu isumaqatigiissutinut atatillugu isumaqatigiissutit pillugit inatsisit tunngavissut

tunngaviusumik inatsimmik qulakkeerneqartumik peqatigiiffiup
kiffaanngissuseqarsinnaanera inatsisillu atuuttut allat eqqumaffigisimannikkaat.
Namminersorlutik Oqartussat meeqqanut ulloq unnuarlu paaqqinniffinnik pilersitsineq
ingerlatsinerlu pillugit Namminersorlutik Oqartussat nalunaarutaanni nr. 19. 24.
november 2017-imeersoq kiisalu Meeqqanut ulloq unnuarlu paaqqinniffinnik
pilersitsineq ingerlatsinerlu pillugit Namminersorlutik Oqartussat nalunaarutaat
nutarsagaq ataatsimut isigalugunutaatut suliarineqartariaqarpoq.



Isumassortit

ANNE QUTUBI BIRRIK JIPIHEBII

Inatsisit allat atuuttut eqqarsaatigalugit, Naalakkersuisut aamma erseqqissartariaqarpaat, aningaasaateqarfinit aningaasaliissutit allatigulluunniit aningaasatigut taperserreqarnikkut ulloq unnuarlu angerlarsimaffik illuutini pisissimappat siunissami tamanna akit inissinneqarnerinut isumaqassanersoq. Qulaani oqaaseqaatit taaneqartut saniatigut peqatigiiffik Isumassortinit nalunaarutigissavarput, peqatigiiffiup Sulisitsisut, GE-p oqaaseqaatai 100 procentimik tapersermagit.

Peqatigitillugu qinnutigissavarput, meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarummut missingiummut tusarniaanermut atatillugu Peqatigiiffiup Isumassortit oqaaseqaatai tiguneqartut uppersarneqassasoq Isumassortit mailiannut akissuteqarnikkut: Is umasso r tit@gm ail.com

.....Inussiarnersumik inuulluaqqusilluta

Siulittaasoq

Ysavaaq Petrussen

Børnehjemmet

PITU

Siulittaasup tullia

Terkil Olsen-Larsen

Børnehjemmet

QAAMASOQ

Bisfyrelsesre 2,2,2

Carl Rødgaard

Børnehjemmet

AKILLIIT

Kasserer

Martha Kreutzmann

Børnehjemmet

IMP

Sekretær

Dora Inng

Børnehjemmet

PAI-KUTAQ

Boks 1858 * 3900 Nuuk * Kalaallit Nunaat * Mobil: 56 53 38